



## REVIZIJA UČINKA: UPRAVLJANJE TROŠKOVIMA PRIJEVOZA ZAPOSLENIH U INSTITUCIJAMA BiH



### OBIM REVIZIJE



Aktivnosti Ministarstva finansija i trezora BiH



Aktivnosti institucija BiH

### CILJ REVIZIJE



Ispitati da li se troškovima prijevoza zaposlenih u institucijama BiH upravlja na ekonomičan i efikasan način.



### ZAKLJUČCI



Institucije BiH uglavnom nisu primjenjivale osnovnu odredbu kojom je definisano da se pravo na naknadu troškova prijevoza ostvaruje putem nabavke ili refundacijom stvarnih troškova mjesečne karte.



Nije rađen adekvatan način provjere podataka koje dostavljaju zaposleni prilikom podnošenja zahtjeva za ostvarivanje naknade za prijevoz.



Nisu primjenjivani svi aspekti dobrog planiranja kako bi se osiguralo da novi model bude efikasniji i ekonomičniji.



Nisu dostupne detaljne analize prilikom određivanja naknade prema kilometru koja je jedan od dva osnovna elementa za određivanje visine naknade troškova prijevoza.



Upotreba različitih daljinomjera dovela je do nedoumica, nejasnoća i neujednačene primjene novog modela.



Institucije ni kroz prethodni, kao ni u primjeni novog modela nisu preduzimale odgovarajuće aktivnosti na ujednačenom pristupu, transparentnom i racionalnom trošenju budžetskih sredstava za troškove prijevoza zaposlenih u institucijama BiH.



Izostala je kontrola podataka na osnovu kojih zaposleni ostvaruju pravo na naknadu troškova prijevoza.



VMBiH nije izvještavano niti je imalo proaktivan pristup u praćenju realizacije novog modela prema odluci koju je donijelo.

## PREPORUKE VIJEĆU MINISTARA BIH



Osigurati informacije o rezultatima i efektima propisa o prijevozu s ciljem njegovog unapređenja.



Razmotriti postojeći model u pogledu iznalaženja najboljeg rješenja za dokazivanje istinitosti podataka koji predstavljaju osnovu za ostvarivanje prava na naknadu za prijevoz kako bi se izbjegle zloupotrebe i zaštitila budžetska sredstva.

## PREPORUKE MINISTARSTVU FINANSIJA I TREZORA BIH



Osigurati jednoobraznu primjenu podzakonskog akta kojim se regulišu naknade troškova prijevoza zaposlenih na nivou institucija BiH.



Osigurati nadzor i kontrolu usaglašenosti praksi u ostvarivanju prava na naknadu troškova za prijevoz, te ujednačenu isplatu za sve zaposlene na nivou institucija BiH.



Povećati transparentnost postupka ostvarivanja prava te isplate naknada za prijevoz zaposlenim u institucijama BiH.



Osigurati sve neophodne pripremne aktivnosti koje će doprinijeti što kvalitetnoj izradi podzakonskih akata.

## PREPORUKE INSTITUCIJAMA BIH



Osigurati funkcionalan sistem upravljanja i kontrole prilikom implementacije podzakonskih akata kojima je regulisano pravo na naknadu troškova prijevoza.



Institucije BiH se pri susretanju sa nedoumicama i nejasnoćama trebaju obratiti donosiocu akta kako bi se osigurala efikasna i ekonomična upotreba javnih sredstava.



## PREPORUKE